



La scargada fa seit.



Il gi da fiasta pretenda ina cumparsa festiva.

FOTOS A. CADONAU

Sagogn ha envidau a fiasta

Fiasta dil vitg da Sagogn ei stada enramada dalla scargada

DAD ANDREAS CADONAU

■ **Hosps da lunsch e da maneivel han schau carmalar la sonda passada da far ina viseta alla fiasta dil vitg da Sagogn. Ina fiasta cun ina porschida varionta en in unic ambient.** Il quartier da Casut el vitg dado da Sagogn ei probabel la culissa ideala per ina fiasta dil vitg. Paucas vischnauncas sursilvanas porchan tals encardens per far fiasta sut tshiel aviert. La sonda vargada ha la fiasta organisada dall'union da traffic carmalau buca sulet ils habitonts da Sagogn a Casut. Vischins dallas vischnauncas vischinontas e hosps han medemamein schau intimar da far ina viseta a Sagogn e dar in'egliada ella porschida. Numerus stans cun dabia artisanadi ein sepresentai perliung dalla via. Uniuns dil vitg han fatg attent sin lur stentas a favur dalla cuminonza dil vitg. Ils affons da Sagogn han medemamein preparau lur marcau da plugs ed aschia augmentau l'attractivitat dalla fiasta dil vitg. Ils pli pigns vi-

sitaders dalla fiasta han astgau separticipar a divers giugs e guder ina presentaziun da teater da figuras. Tradiziunalmein ein las singulas uniuns dil vitg en roda da menar ustria. Ina buna occasiun da spisgentar la cassa dall'union. Quella incumbensa han ils umens dil Chor viril da Sagogn ademplitu la sonda vargada. Ed els han stuiu seduvrar ti mordio per ademplier tut ils giavischs dils numerus hosps. Per la rama musicala ha la formaziun Las Anemonas da Trin procurau. Dapi entgins onns terminescha la scargada dalla Alp sogn Martin la fiasta dil vitg. Era a Sagogn ei semussau che la scargada vegn apprezzada dil publicum da fiasta. Tonpli sch'il muvel ornau passa tras vischnaunca e delectescha ils hosps cun il scadanem da platialas. Cuntents ein era ils organisaturs dalla fiasta dil vitg s'exprimi. Ad els eis ei reussiu inaga dapli da metter en pei in eveniment apprezzau dalla populaziun cun ina ferma muntada el calender d'occurranzas da Sagogn.



Las Anemonas da Trin han procurau per il divertiment musical.



Ina fiasta dil vitg procura magari era per fom.



Ils affons han contribuui alla fiasta cun lur marcau da plugs.



Ina tala porschida sa ins strusch passar senza cumprar.



Bernadette Spescha ei stada presenta cun agen artisanadi.



La scargada ei apprezzada tiel publicum ed era tier la fumeiglia d'alp.

reclama



Shorley – für natürlich frische Energie

Shorley ist die Mischung von 60% Schweizer Apfelsaft mit 40% natürlichem Mineralwasser. Der Gehalt an Fruchtzucker und Fruchtsäuren des Apfels, und Mineralstoffe der Mineralquelle Passugg, machen Shorley zum erfrischenden Durstlöcher. Shorley – das natürlichste Getränk!



MÖHL Mosterei Möhl AG
9320 Arbon | Tel. 071 447 40 74 | www.moehl.ch